



KOMUNIKADO PA PRENSA

Fecha

20 di febrüari 2017

Accountmanager di Komunikashon

Jhanirha Da Costa Gomez

Email

jhanirha.anita@gobiernu.cw

Minister Camelia-Römer i Servisio pa Tráfiko i Transporte ta pidi tur karnavalista: No bebe i stür!

Willemstad – Minister Camelia-Römer huntú ku Servisio pa Tráfiko i Transporte (UO-VV) ta hasi un apelashon na nos komunidat durante di e temporada di karnaval aki pa tene kuenta ku uso di alkohòl. Ta di sumo importansia pa si bo ta bebe, no stür niun vehíkulo! Ban evitá mas tristesa den nos famianan.

Alkohòl ta baha bo nivel di konsiensia i konsentrashon drástikamente. E konsekuensia di esaki ta ku e chèns pa bo haña bo mes den un aksidente serio ta subi konsiderablemente. Bo por sali gravemente herida òf asta pèrdè bo bida. Tambe bo por okashoná herida grave òf asta morto di otro persona. Esaki sigur ta algu ku lo keda riba bo konsenshi pa restu di bo bida.

Semper sòru pa tin un persona den famia òf den grupo ku no ta konsumí alkohòl ni promé, ni durante ni despues di marcha òf jump-in/up. Di e forma aki, e persona aki ta stür i hiba tur hende kas. Tambe por kambia di persona pa e diferente aktividatnan di karnaval ku tin.

P'esei atrobe un apelashon pa durante karnaval: No bebe i stür! Ban laga e temporada di karnaval aki ta unu dushi ku ménos aksidente.